

15 mars 2023

Chè Manm Komite Lekòl yo,

Nan Mèkredi 22 Mas 2023, Komite lekòl la pral vote sou bidjè Ane Fiskal 2024 pou Lekòl Piblik Boston yo: Bidjè fon jeneral total pou konsiderasyon ou se **\$1 445 729 446**.

Pandan nou ap planifye pou fini ESSER ak kontinye egzaminen rapò ak plan ki gide ak rekòmande kote nou dwe konsantre pou kreye divès sistèm ak chanjman k ap dire, Ane Fiskal 2024 la ap sèvi kòm yon bidjè esansyèl pou abòde kèk bezwen imedya pandan nou ap kòmanse planifye tou pou Ane Fiskal 2025 lan ak odela.

Atravè pwopozisyon bidjè Ane Fiskal 2024 la, nou ap investi nan divès opòtinite pou kalite, **ansèyman enklizif, ansèyman bileng, pratik jistis restorativ ak sipò sosyo emosyonèl** pou asire jèn nou yo jwenn zouti yo bezwen pou rekouvri ak geri de pandemi an epi fè siksè nan lavi. Nou ap apwofondi investisman nou an nan **strateji literasi ekitab** nou an epi **elaji pwogramasyon Pakou Fakilte Bonè ak Karyè Pwofesyonèl** nou an pou ede elèv yo eksplòre ak genyen konpetans valab ak eksperyans pandan y ap jwenn divès kredi fakilte yo bezwen pou yo gradye epi fè rèv yo vin yon reyalyte. Misyon nou an jeneral se pou kreye divès anviwònman aprantisaj kote **tout elèv gen yon santiman apatenans, yo santi yo ba yo valè, jwenn sipò**, epi jwenn ankourajman pou atenn plen potansyèl yo. Bidjè Egzèsis24 nou pwopoze a dispoze fondasyon an pou fè sa.

Jodi a, pwopozisyon final nou pou egzamen ou (sou fòm tablo bidjetè ki tache nan pyès jwent yo) ap rive pibliye anliy epi pataje avèk Manm Komite Lekòl yo. Memo sa rezime chanjman ki reflekte nan vèsyon pwopozisyon bidjè orijinal sa ki pwopoze 1ye Fevriye ane sa.

Ogmante Apwopriyasyon pou Negosyasyon Kolektif

Kredi pwopoze nou yo pou Ane Fiskal 2024 la te ogmante nan montan swivan yo pou kontra sendikal yo ki te finalize aprè soumasyon bidjetè inisyal nou an.

- Espesyalis Sekirite yo: 275 387\$
- Gadyen yo: 1 972 529\$
- Kontwolè Bis: 3 221 985\$
- Administrative Guild: 1 228 880\$

Chanjman nan Bidjè Lekòl yo

Chak ane, bidjè pwopoze inisyal yo genyen yon kantite adisyonèl rezèv nou gen entansyon likide pasyèlman pandan tout pwosesis bidjè a. Rezèv sa yo konsève nan biwo bidjè epi yo

evantyèlman transfere ak bidjè lekòl yo. N'ap jwenn anba yon rezime chanjman sa yo pou ane sa. Pandan nou toujou kenbe divès rezèv ki pral likide pandan lete ak lotòn nan, fon swivan yo te transfere soti nan rezèv santral ale nan bidjè lekòl yo.

- Kolabore avèk lekòl nou an pou idantifye investisman ESSER yo alinye ak estrateji nou an; Li nesèsè pou sekirize pozisyon sa yo odela ESSER. Sa fè enpak sou yon total \$15 Milyon, ki gen ladan yo 69 FTE, nan 114 lekòl yo. Chanjman yo aliye ak estrateji kle ki vini an apre yo epi gen ladan yo divès pòs tankou:
 - Estrateji Enklizyon: kotch ak espesyalis enklizyon, parapwofesyonèl enklizyon
 - Plan Estratejik Biwo Edikasyon Miltileng ak Miltikiltirèl: parapwofesyonèl SEI ak anseyan ESL adisyonèl yo
 - Literasi Ekitab: espesyalis lekti, materyèl pedagogik wot kalite epi ki konfòm ak nòm yo
- Deplasman priz an chaj inofansif fon jeneral la nan ESSER. Apwòch sa vle di lekòl yo p ap bezwen koupe sèvis yo oubyen sipò pou elèv nan Egzèsis Fiskal 2024. Sa fè enpak sou yon total \$30,7 Milyon, ki gen ladan yo 253 FTE, nan 95 lekòl yo. Nou te enkli yon estimasyon \$27,9 Milyon nan pwopozisyon bidjè orijinal la, ki fè bidjè final sa gen ladan l yon chanjman \$2,8 Milyon ki pase soti nan Fon Jeneral yo ale nan ESSER.
- Te genyen yon kantite chanjman nan pwojeksyon enskripsyon ak Finansman Elèv Pondere a:
 - Ekspansyon Enklizyon:
 - Konvèsyon plizyè salklas ansèyman jeneral an enklizyon pou desèvi yon ogmantasyon nan kantite elèv nan enklizyon K1 nan Dever, Harvard-Kent, Edison, East Boston EEC, Condon ak Blackstone.
 - Ajoute enklizyon 9èm ane nan de lekòl: Fenway ak Muniz.
 - Chanjman adisyonèl ki lye ak kapasite edikasyon espesyal yo te fèt nan Channing, Eliot, East Boston EEC, ak Manning.
 - Ajoute yon klas SLIFE adisyonèl nan Edison.
 - Ogmantasyon pwojeksyon yo nan Sumner ak Mildred Ave pou akeyi divès elèv BLS adisyonèl.

Nan twa domèn sa yo, bidjè lekòl yo ogmante pa yon total \$12 795 800 depi nan pwopozisyon orijinal la.

Chanjman nan bidjè Santral yo

Te genyen yon kantite ti chanjman ap bidjè pwopoze a pou depatman santral yo. Sa yo gen yon pòte plis limite epi yo reprezante divès transfè ant sèvis santral yo e ant tip kont yo nan yon sèvis. Travay nou te kontinye fè depi lè pwosesis bidjè sa te kòmanse se revizyon ak plan pou travay imedya kapab kòmanse nan kad plan amelyorasyon sistemik lan, rapò lekòl Great City yo sou edikasyon espesyal la, transpò, ak sekirite lekòl epi finalman, plan estratejik OMME nou an. Nan prezantasyon ajou nou an, ou pral wè plis detay sou kote nou

planifye pou konsantre imedyatman ak kèk travay nou ap chache pou bidjè alavni yo. Jan mwen di sa avan- biwo santral la dwe nan sipò lekòl nou yo yon jan pou lekòl nou yo vin antre an sipò avèk elèv ak fanmi nou yo.

Mwen vle remèsye pèsònèl devwe ki te ede devlope bidjè a, ak lidè lekòl yo, komisyon sit lekòl la, komisyon finans lan ak direktè depatman yo. Yo reprezante sa k pi bon an nan BPS epi enkane angajman nou anvè elèv nou yo, fanmi nou yo, ak kominote nou yo. Mwen vle remèsye tou komite lekòl la pou toujou pouse nou panse nan diferan fason ak pou travay ou pral fè pou rann nou responsab. Li te difisil pandan plizyè ane, men nou ap apiye sou bagay ki fonksyone epi nou ap ranfòse domèn ki bezwen soutyen pou alavni, BPS tounen yon Distri ki estab epi ki wotman fonksyonèl ke elèv nou yo, fanmi nou yo ak pèsònèl nou yo bezwen ak merite.

Sensèman,

Mary Skipper
Sipè-entandan an